




ILLOQARFIUP ILAANUT PILERSAARUT 2D2-2 NALUTTARFIK NUUSSUAQ



NUUP KOMMUNEA

TEKNIKKIMUT AVATANGIISINULLU INGERLATSIVIK

APRIL 2000

Illoqarfiup ilaanut pilersaarummi nunaminertat, illut nutaat, pisuinnaat aqputaat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq ilusilersorneqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalaajangersagartaqarluni, tassanilu ilitsersuutinik nassuiaatitaqarluni.

Nassuiaatini illoqarfiup ilaanut pilersaaruttip siunertaa anguniagaalu naatsumik oqaluttuarineqartarput, illoqarfiup ilaanut pilersaarusiortiusumi eqqaanilu pioreersut aammalu illoqarfiup ilaanut pilersaarut pilersaarutitut allanut qanoq attuumassuteqarnersoq.

Illoqarfiup ilaanut pilersaarusiortiusumi aalajangersakkat atuuttussaviupput. Assitai oqaasertaalu kipungasunik allatat atorlugit illoqarfiup ilaanut pilersaarusiortiusoq nassuiaateqarfiginiarneqarlunilu takussutissiiviginiarneqarpoq.

Nunaminertanik atuisarneq pillugu Inatsisartut peqqussutaat nr. 6 19. december 1986-imeersoq, Inatsisartut peqqussutaanni nr. 1 18. juni 1987-imeersukkut allanngortinneqartoq, nunaminertanik atuisarneq pilersaarusiortarnerlu pillugit aamma Nalunaarut nr. 23 18. november 1992-imeersoq malillugit kommunalbestyrelsi illoqarfiup ilaanut pilersaarusiortussaa-titaavoq:

- Kommunip pilersaarusiortarnerata piviusunngortinneqarnissaa qulakkeerniassallugu pisariaqartinneqarpat.
- Angisuumik illuliassaq, atortulersuutit imaluunniit nunaminertamik tunniussinerit aallartinneqartinngagit.

Illoqarfiup ilaanut pilersaarusiortussaatitaanerup siunertaraa pilersaarusiortarnermi annertuneru-sumik ataqaatigiissaarisooqarnissaa innuttaasullupeqataatinneqarnissaat.

Taamaattumik illoqarfiup ilaanut pilersaarut sivikinnerpaamik sapaatit akunnerini arfinilinni tamanut saqqummiunneqassaaq. Taamaalereerpat Kommunalbestyrelsip naammagittaalliutit imaluunniit oqaaseqaatit allannguutissatullu siunnersuutit naliliiffigissavai, pilersaarut inaarutaasumik akuersissutigineqavitsinnagu.

Illoqarfiup ilaanut pilersaaruttip inatsisitigut atuuffii illoqarfiup ilaanut pilersaarummi erseqqissumik allaaserineqarput.

NASSUIAAT

Tunuliaqutaa	3
Illoqarfiup ilaanut pilersaarutip siunertaa	3
Illoqarfiup ilaanut pilersaaruseriorfiusoq aamma illoqarfiup ilaanut pilersaaruseriorfiusup avatangiisai	3
Illoqarfiup ilaanut pilersaarutip pilersaarutitut allanut attuumassuteqarnera	3
• Kommuniq pilersaaruseriornera	3
• Angallanneq	3
Avatangiisut tunngasut	4
Inatsisitigut atuuffii	4
Piffissaq oqalliffiusoq akuerineqarfialu	5

ILLOQARFIUP ILAANUT PILERSAARUMMI AALAJANGERSAKKAT

Aallaqqaasiut	6
1. Siunertaq	6
2. Illoqarfiup ilaanut pilersaaruseriorfiusoq	6
3. Immikkoortup atorneqarnissaa	6
4. Aqqusernit, pisuinnaat aqutaat biilillu uninngasarfi	6
5. Illuliorfigineqartup annertussusaa inissisimaffillu	7
6. Sanaartukkap silatimigut isikkussaa	7
7. Nunaminertat illuliorfigineqanngitsut	8
8. Teknikkikut atortulersuutit	8
9. Nutaamik illuliat atorneqarnissaannut piumasarisat	8
Akuerineqarnera	9

ILANNGUSSAT

Ilanngussaq 1 Immikkoortup killilersornera	10
Ilanngussaq 2 Nunaminertamik atuinissaq	11
Ilanngussaq 3 Assitassaa	12
Ilanngussaq 4 Takussutissaq	13
Ilanngussaq 5 Takussutissaq	14

Kommunalbestyrelsip matumuuna illoqarfiup ilaanut pilersaarut 2D2-2, Naluttarfik, Nuussuaq inaarutaasumik akuerisatut saqqummiuppa.




fig. 1 Illoqarfiup ilaanut pilersaarusiortusooq

NASSUIAAT

Tunuliaqutaa

Nuup Kommunea septemberimi 1998-imi Nuummi naluttarfiliornissamat pilersaarusiortitsiniarluni unammisitsivoq. Naluttarfiup inissisimaffissaa siumut aalajangerneqareersimavoq. Naluttarfittaassaq Nuussuarmi Sarfaarsunni inissisimasussaavoq.

Ajugaassutut pilersaarusiortut tunngavigalugu illoqarfiup ilaanut pilersaarusiaq suliarineqarpoq, naluttarfissap sananeqarnissaa periarfissiniarlugu.

Illoqarfiup ilaanut pilersaaruttip siunertaa

Illoqarfiup ilaanut pilersaaruttip siunertaraa naluttarfiliornissap periarfissallu tassunga atasut sananeqarnissaasa qulakkeerneqarnissaat taakkunungalu atatillugu silami naluttarfissaq, pinnguartarfissaq, aqqusernit, pisuinaat aqqutaat, biilit uninngasarfii il.il.

Illoqarfiup ilaanut pilersaarusiortusooq aamma illoqarfiup ilaanut pilersaarusiortusup avatangiisai

Illoqarfiup ilaanut pilersaarusiortusooq Nuussuup qiterpasissuani inissisimavoq, 1,8 ha-tut angitigaluni. Illoqarfiup ilaanut pilersaarusiortusooq Iggiaanut qanittumiippoq, tamaanilu sunngiffimmi sammisassaqaartitsinermut tunngasunut allanut.

Pilersaarusiortinermut allanut attuumassuteqarnera

Kommunip pilersaarusiortinera

Illoqarfiup ilaanut pilersaarusiortusooq kommunip pilersaarusiortineraani immikkoortunut 2D2-mut aamma 2D2-mut ilaavoq.

Immikkoortoq 2D1

Immikkoortumi 2D1-imi tamassuma sanaartoriusussaangitsutut atorineqarnissaa aalajangersarneqarpoq. Immikkoortumi 2D1-imi annerusumik minnerusumilluunniit sanaartorfioqquusaangitsut imminnut atasut ipput. Nunaminertat amerlanersaat pinngortitaassutsimissut ipput atortulersuutinik ataasiakkaanik soorlu pilersuinerimi aqutit illullu ataasiakkaat tamaaniillutik.

Immikkoortumi 2D1-imi illut pioreersut allilneqaqqusaangillat. Tamaani illuliorfigeqqusaangitsunut atasumik illuliortoqarsinnaavoq aatsaat asiartarfittut atorineqassappata.

Immikkoortoq 2D2

Immikkoortoq 2D2-mi tamassuma sunngiffimmi sammisassaqaartitsivinnut annertunerusunut, angallatinut nuannaariutinut talittarfittut, asiartarfittut umiatsianillu inissiisarfittut atorineqarsinnaasunngorlugu aalajangersarneqarpoq.

Illoqarfiup ilaanut pilersaarut kommunip pilersaarusiortineraani aalajangersakkanut naaper-tuuttuavoq pissutigalugu nutaamik illuliat

immikkoortumi 2D2-mi killilersukkat taamaallat iluanni sananeqarsinnaammata. Immikkoortumi 2D1-ip iluani taamaalaat asiarfiit pilersiortorneqassapput.

Angallanneq

Sarfaarsunniit naluttarfiup tungaanut aqqu-sinniortoqassaaq. Naluttarfimmut atasumik biilinit uninngasarfiortoqassaaq biilinit 40-nut bussinullu marlunnut inissalimmik. Iser-tarfiup pingaarnerup eqqannguani innarluuti-linnut naleqqussakkanik uninngasarfiorto-qassaaq.

Pisianik tunniussisarnermut atatillugu aqqu-siortoqassaaq, ammalu teknikimut tunngasor-taanut aqquutiliortoqassalluni.

Avatangiisinut tunngasut

Kuffilersuineq

Imeq igitassaaq kuuffitsigut kuutsinneqartas-saaq, nunap qaani imeq tassunga ilanngullugu illup qaliaanit imeq kuuttoq kuuffitsigut kuut-sinneqartassangilaq, kisiannili illunut sanile-risanut, aqqusinernut, pisuinnaat aqquataannut nunaminertanullu sanaartorfiunngitsunut im-mikkoortup iluaniittunut akornutaanngitsumik kuutsinneqartassalluni.

Avatangiisinut piumasagaatit killeqarfiler-sukkallu

Innaallagissap sakkortuup aqquataannut isu-mannaallisaanissamut killeqarfigitinneqartoq ataqqineqassaaq.

Immikkoortumi illut atortulersuutillu mittar-fimmi nipiliornermut malittarisassaliarineqar-simasut ataqqineqassapput. Mittarfiup eqqaani nipiliornermut killeqarfigitinneqartumi nunaminertat (mittarfimmiit 700 meter) siu-nertanut nipiliornermik sunnertiasunut ator-neqassanngillat.

Inatsisitigut atuuffii

Illoqarfiup ilaanut pilersaarut inaarutaasumik akuerineqareerpat tamanullu saqqummiunne-qareerpat nunaminertat, illut atortulersuutillu illoqarfiup ilaanut pilersaarummut attuumas-suteqartut illoqarfiup ilaanut pilersaarummi aalajangersakkat malillugit taamaallaat ator-neqarsinnaallutillu sanaffigineqarsinnaalis-sappat.

Kisianni pissutsini immikkorluinnaq ittuni annikitsumik sanioqqutitsinikkut immikkut ittumik akuersissuteqartoqarsinnaavoq. An-nertuumik sanioqqutitsisoqartillugu, illoqar-fiup ilaanut pilersaarummik nutaamik sanaso-qassaaq.

Illoqarfiup ilaanut pilersaarut immini isuma-qanngilaq, nunaminertanik illunik atortuler-suutinillu pilersaarummi pilersinneqartussatut eqqaaneqartunik pilersitsiffiusussatut.

Maannakkut nunaminertanik akuerisamik, illunik atortulersuutinillu akuerisamik atuineq ingerlaannassaaq.

Tamanna ilaatigut ima isumaqarpoq, nunami-nertanik, illunik atortulersuutinillu maanna-mut atuinertut ingerlaannarsinnaasoq, akerial-nilli soorlu allanngortitsilluni atuineq ima-luunniit nutaanik illuliorneq illoqarfiup ilaa-nut pilersaarummut akeraliussanngilaq.

Piffissaq oqalliffiusoq akuerineqarfialu

Illoqarfiup ilaanut pilersaarummut siunner-suut 2D2-2, Naluttarfik, Nuussuaq, piffissami novemberip 24-ani 1999-imiit januarip 5-anut 2000-imut tamanut saqqummiunneqarpoq.

Kommunalbestyrelsip siunnersuut aprilip 3-ani 2000-imi oqaluuseraa illoqarfiullu ilaanut pilersaarut tamanut saqqummiunneqarsimane-ranut sanilliullugu annertunerusumik allann-guuteqartinnagu akueralugu.

AALAJANGERSAKKAT

Kommunalbestyrelsip matumuuna aalajangersakkat makku aalajangersarpai, nunaminertanik atuineq pilersaaruserlu pillugit Inatsisartut peqqussutaat nr. 6, 19. december 1986-imeersoq naapertorlugu allanngortinneqartoq Inatsisartut peqqussutaanni nr. 1, 18. juni 1987-imeersumi aammalu nunaminertanik atuineq pilersaaruserlu pillugit Nalunaarut nr. 23 18. november 1992-imeersoq kingusinersusukkut allannguutitalik malillugu.

§ 1 Illoqarfiup ilaanut pilersaarutip siunertaa

1.1 Illoqarfiup ilaanut pilersaarutip siunertaraa qulakkiissallugu:

- Immikkoortup sunngiffimmi siunertanut tassungalu ilanngullugu naluttarfimmut atorneqarnissaa,
- Naluttarfittaassaq assitaliussani 3-4-mi takutinneqartut tunngaviusumik ilusilersugaassasoq,
- Nutaamik illuliat ilanngussami 1-imi sanaartorfissat iluini sananeqassasut,

§ 2 Illoqarfiup ilaanut pilersaaruserfiusoq

2.1 Illoqarfiup ilaanut pilersaaruserfiusoq ilanngussami 1-mi takutinneqartutuut killeqarfilerneqarpoq.

2.2 Illoqarfiup ilaanut pilersaaruserfiusoq 1,8 ha-tut angitigaaq.

§ 3 Immikkoortup atorineqarnissaa

3.1 Immikkoortoq sunngiffimmi siunertanut atorineqassaaq, taakkununga ilanngullugu naluttarfimmu tassunga periarfissarititaasut ilanngullugit.

3.2 Illoqarfiup ilaanut pilersarusiorfiusup iluani tamarmi teknikikut atorinersuutunik sanasoqarsinnaavoq, taakkunungalu ilanngullugit immikkoortup innaalagissamik pilersorneqarnissaanut sakkortusaavinnik. Sakkortusaaviit inissinneqassapput ilusilersorneqarlutillu illut illuliorfiunngitsullu eqqarsaatigalugit.

3.3 Immikkoortup iluani nunaminertaq, silami naluttarfiorfissatut, pinnguartarfiorfissatut biilinnu uninngasarfiorfissatut immikkoortinneqarsimavoq. Inissiffissat ilanngussami 1-imi aamma 2-mi takuneqarsinnaapput.

3.4 Immikkoortup iluani eqqaavik containeri inissinneqarsinnaassaaq.

§ 4 Aqqusernit, pisuinnaat aqputaat biillu uninngasarfii

4.1 Immikkoortoq Sarfaarsunniit aqqusineqartinneqassaaq, ilanngussami 1-imi 2-milu takutinneqartutut.

4.2 Immikkoortup iluani aqqusinniassanut nunaminertanik immikkoortitsisoqassaaq ilanngussami 1-imi 2-milu takutinneqartutut.

4.3 Immikkoortup iluani aqqusineq 5,5 meterisut silissuseqartussanngorlugu immikkoortinneqassaaq.

5,5 meterisut silitsigisumik aqqusiniornissaaq ima paasineqassaaq, 4,4 meterit angallaffissatut sinaallu illugiillutik 0,5 meteriussasut.

4.4 Sorlannut pisuinnaat aqqusiornissaannut nunaminertanik immikkoortitsisoqassaaq aamma Sarfaarsunniit Narsaviannut aamma Nuussuup Atuarfianiit Nunngarummut Qassuserfimmullu pisuinnarnut aqqusiniornissamut, ilanngussami 1-imi 2-milu takutinneqartutut. Pisuinnaat aqputaat 3 meterisut silissuseqassaaq.

3 meterisut silitsigisumik pisuinnarnut aqqusiniornissaaq ima paasineqassaaq pisuffissaaq 2 meter sinaalu illugiillutik 0,5 meter.

4.5 Aqqusernit asfaltimik qallerneqassapput.

4.6 Pisuinnaat aqputaat asfaltimik qallerneqassapput imaluunniit beton-inik kipparrissunik qasertunik qallerneqassapput.

4.7 Billit unittarfiattut immikkoortinneqartup iluani taamaallaat uninngatitsisoqarsinnaavoq, ilanngussami 1-imi aamma 2-mi takutinneqartutut. Biilit uninngasarfii minnerpaamik 7 meterinik itissuseqassapput.

§ 5 Illuliorfigineqartup annertussusaa inissimaffillu

5.1 Ilanngussami 1-imi sanaartorfissatut takutinneqartumi taamaallaat illuliortoqarsinnaavoq.

5.2 Nutaamik illuliat portunerpaamik 15 meteriussapput.

5.3 Nunataata periarfissaqartippagu, naqqup ataanut toqqaviliornissamut akuersissuteqartoqarsinnaavoq.

5.4 Toqqaviit pisariaqanngitsumik portussissartinneqartunit portunerutinneqassanngillat. Taamaattumik toqqaviup pukinnerpaaffissaa nunataanit 0.5 meterinit portunerussanngilaq.

5.5 Immikkoortup iluani naatsorsuutigisariaqarpoq annikitsumik qaartiterisoqartarnissaa naluttarfissap atortulersuutillu tassunga atasut (biilit uninngasarfissaat, silami naluttarfiup, pinnguartarfiup asigissaasalu) naleqquttumik inissinnissaat eqqarsaatigalugu.

5.6 Teknikikkut atortulersuutit, sakkortusaaviit assigisaallu naleqquttumik inissinneqassapput, immikkoortoq tamaat isigalugu takussunarsaataasussaannigsumik.

Sakkortusaaviup inissinneqarnissaa Nukisiorfiit Energitjenestia isumasioreerlugu pissaaq.

§ 6 Sanaartukkap silatimigut isikkussaa

7.7 Illorsuaq assitaani 3-4-mi takutinneqartut tunngaviatigut isikkoqartinneqassaaq.

7.8 Illorsuup qaliaasa qaavi pappialarsuarunik qernertunik/qasertunik qaamasunik qallersorneqassapput. Illorsuup qalia malittut ilusilerneqassaaq, assitaani 3-4-mi ilanngussami takutinneqartutut.

7.9 Illorsuup silataani iikkat pladenik pitsaanerpaanik qallersorneqassapput, qalipaammut qasertumut eqqaanartumik.

7.10 Illorsuup qalipaatisaa Nuup Kommunea-ta aalajangissavaa.

7.11 Teknikikkut atortulersuutit, sakkortusaaviit assigisaallu ilusilersugaaner at immikkoortumi illuliarineqarsimasunut naleqqussarneqassapput, tamaani takussunarsaataanniginniassammata.

§ 7 Nunaminertat illuliorfigineqanngitsut

7.12 Nunaminertat illuliorfigineqanngitsut sanaartornerup nalaani qaartiterinermilu sapinngisamik innarlernaveersarneqassapput.

7.13 Nunaminertat illuliorfigineqanngitsuni naasut nunallu qaava sanaarto, qaartiterineq allatulluunniit suliaqarneq pissutigalugu aserorneqartut pissuserisimaattut isikkoqalerseqqinneqassapput.

7.14 Illoqarfiup ilaanut pilersaaruseriorfiusup iluani atortulersuutinik illunillu piginnittut illoqarfiup ilaanut pilersaaruseriorfiusup iluani nunaminertanik saligaatsuutitsinissartik torersuutitsinissartillu qulakkiissavaat.

§ 8 Teknikikkut atortulersuutit

8.1 Nunaminertamik tunniussinermut atalilugu malittarisassat atuuttut malillugit illuliorfissagissaanissamut akiliutissaq akilerneqassaaq.

8.2 Illuliorfissagissaanissamut ilaapput kommunip immikkoortumi tamaani imermik pilersuineranut, kuuffilersuineranut, aqqusinniornermut biilnut unitarfiliornermut nunaminertanillu tamanit atornerqartussanik pilersitsineranut aningaasartuuteqarfigisassai.

8.3 Illut tamarnik imermut kuuffinnullu aqquteqartinneqassapput.

8.4 Nunap qaavani imeq, imeq qalianit kuuttoq ilanngullugu, kuuffitsigut kuutinneqassanngilaq, kisiannili illunut sanilerisanut, aqqusinernut, pisuinnaat aqutaannut nunaminertanullu illuliorfigineqanngitsunut akornutaanngitsumik kuutinneqartassalluni.

**§ 9 Nutaamik illuliat atorneqarnissaannut
piumasarisat**

9.1 Nutaamik illuliat Nuup Kommunea
akuersiteqqaarnagu atorneqalersinne-
qassanngillat nunaminertat illuliorfiu-
sussanngitsut pilerseqqinneqarsimatin-
nagit.

AKUERINEQARNERA

Taamaalilluni Nuup Kommuneata Kommu-
nalbestyrelsianit atuutilivissussatut akuerine-
qarpoq aprilip 3-ani ukioq 2000.

Nuup Kommunea ulloq

Agnethe Davidsen / Kim Hvistendahl
Borgmester Pisortaanerugallartog

Tamanut saqqummiunneqarpoq ulloq


BILAG 1, IMMIKKOORTUT KILLEQARFILERNERAT

Iloqarfiup ilaanut pilersaarut 2D2-2, Naluttarfik, Nuussuaq



BILAG 2, NUNAMINERTAT ATORNEQARNERAT

Illoqarfiup ilaanut pilersaarut 2D2-2, Naluttarfik, Nuussuaq



BILAG 3, TAKUSSUTISSAQ

Iloqarfiup ilaanut pilersaarut 2D2-2, Naluttarfik, Nuussuaq

